

四庫全書

史部

欽定四庫全書

史部

平定兩金川方略卷五十四至五十六

員外郎臣顧宗泰覆勘

總校官原任侍講臣王燕緒

欽定四庫全書

平定兩金川方略卷五十四

五月丁未豐昇額舒常奏言

臣

豐昇額籌攻達爾

圖大礮輪派官兵密往前攻察看賊番動靜邇日

以來出入往來較前稀少又接准舒常扎知定於

次日進攻臣即與領隊大臣等密議乘其猝不及

防令兩路埋伏之兵以漸而登將近礮寨突然齊

上奪其土礮座即可以次攻獲或截斷賊番聯

絡之處使之進退兩難必見潰敗遂令左右兩路

伏兵進發

臣

豐昇額率福康安馬彪等督兵接應

官兵努力爭先踴躍進至半坡賊番始覺向下放

鎗擲石官兵蜂擁而登內巴圖魯侍衛佛倫泰等

首先衝至砍斷木欄巴圖魯藍翎侍衛雷爾賽等

即擲火彈將護碉短牆攻破牆內賊番忙亂各思

奔竄俱被官兵殺死隨進攻前面大碉賊番挖掘

重壕其外積雪凝冰堅滑實難措足而賊番轉在

濠中抗拒自午至酉斃賊約八九十名因天色晚  
撤兵仍舊埋伏此次雖未能遂願而士氣奮揚綽  
斯甲布頭人松乃等見官兵如此勇往亦督催土  
兵向前至臣舒常于三月初二日攻取日旁派令  
侍衛普濟保等各帶官兵前進衝冒鎗石直抵濠  
邊壕塹甚深即用蜈蚣梯垂下亦不能及濠底因  
令官兵即將所備柴柵排立溝沿以禦鎗石用噴  
筒火彈攻擊溝中潛匿賊番均被燒傷死斃而礮

卡內之鎗石益為緊密臣派叅將馬應詔帶土兵三百名從北澗箐林中潛往夾攻賊番窺見由礮下壓官兵橫放連環擊死三四十名餘俱逃入礮卡內拒守奏入

上諭軍機大臣曰豐昇額等派兵攻勦雖未能破其礮卡各員內如佛倫泰等俱能鼓勇爭先擊殺賊衆亦屬奮勉俟將賊礮攻得再行議敘其官弁兵丁內之受傷陣亡者俱著查明咨部照例賞恤至于冰雪凍

滑官兵難以徑進亦只可如此相機酌辦現今已屆初春天氣日漸和暖大約閏月以後雪霽冰融更自易于用力總之三路之兵不拘何路得手其餘各路賊衆勢將自潰便可迅奏膚功著傳諭溫福等各宜努力籌辦佇聽捷音

辛亥溫福海蘭察奏言

臣等進攻昔嶺相度地

勢分駐官兵離賊碉遠近不一每次打仗皆前一日各營派兵乘夜前進至打仗時不無困乏查副都統額森特駐兵昔嶺山根從此拏卡十數座

直逼賊礮放礮轟摧既近而打仗之際令坐卡兵  
丁前進攻取更為便捷臣等派領隊大臣富興巴  
朗等會同額森特一面帶兵預備打仗一面聚石  
伐木即從駐兵之處近逼賊礮共拿卡十六座中  
間建立礮臺現在上緊轟擊臣等又與督臣劉秉  
恬商議將美諾存貯三四號礮兩位先行運至與  
現鑄之三號礮一同施放俟大礮鑄得乘此天氣  
稍晴即進兵奪取昔嶺再官兵已將木果木之南



三條山腿佔據惟因山腿之下阻以大溝甚深且險而兩旁山巖又俱峻削荆箐滿溝極為叢密賊於此接連建卡巖密堵拒查副都統阿爾蘇納已經佔據前面中間兩山腿如令將所帶之兵拿卡進至溝邊便可相機進取現今拿卡二十餘座賊情甚為窘迫間或乘空潛來侵擾我兵奮勇擊殺每次毫無得利臣海蘭察帶兵一千五百名逼近攻擊一俟賊碉頽毀併力進取奏入報

聞

同日溫福奏言查功噶爾拉及昔嶺均係乾隆十  
二三年進勦要路山險碉堅賊番於此兩處悉力  
死守以道里計之一過昔嶺則拒噶拉依賊巢更  
近是以臣前此籌酌由功噶爾拉北邊開鑿冰雪  
覓道繞至昔嶺進攻茲奉

諭旨據虎兒所供由昔嶺分路下去右手可到勒烏圍  
中間只隔幾個小寨左手可到噶拉依中間有色

爾里地方等語

臣

自抵木果木每日於各山頂偵

探形勢及進剿之時留心察看昔嶺賊碉排列自  
東而西俱佔據層巒之上據番人指點告稱昔嶺  
西峯盡處色爾里寨即在其下由彼前進即係噶  
拉依但均為昔嶺所蔽不能望見其昔嶺右手亦  
據稱有路可抵勒烏圍但山陰雪深溝底狹窄林  
箐叢密沿路碉卡甚多必俟攻過昔嶺方得查訪  
明確奏入報

聞

同日溫福劉秉恬奏言

臣等欽奉

諭旨令將出力屯土各兵加以獎勵仰見

皇上體恤軍行之至意

臣

等當即傳集各兵宣示

恩諭無不感激欣呼倍思報効查

臣

溫福自前歲進剿

以來所有屯練及瓦寺等土兵實屬得用屢經奉

旨加恩與官兵一體賞賚此等番人尤以頂帶為榮是

以每遇接仗之際留心察看有奮勇撲礮者酌賞

職銜給與委牌以示鼓勵至此內屯練一項與各  
土弁土兵不同從前乾隆十七年誅滅雜谷土司  
蒼旺將雜谷腦改土歸屯所有屯兵三千名原設  
土守備千把外委等九十餘員以濟管轄每員給  
與養贍銀自二十四兩至六兩不等但父故子襲  
均等有額數此等土弁帶兵在營者遇有奮勉出  
力之處即與加陞職銜而其回屯後所得養贍分  
例仍照本職並無增添其由屯兵給與職銜者又

在原設額缺之外更無養贍可給近准署督臣富勒渾議將此等打仗奮勇由屯兵賞給土弁之人不論是何職銜將來凱旋後照額設外委之例減半酌給每名每年給與養贍銀三兩於司庫平餘項下支領現已傳諭各屯兵知悉但此等額外弁員因其隨營出力酌給此項銀兩自應及身而止毋庸議襲庶不致于原設九十餘員之外更滋糜費再瓦寺木坪鄂克什三雜谷所派隨營帶兵各

頭人查土司屬下有土守備等員原係該土司自行補放亦有乾隆十二三年用兵時經統兵大臣賞給職銜之人臣溫福此次進剿察其起衆出力者屢經專摺

奏明蒙

恩賞給名號花翎其餘隨時効力之土弁土兵亦經臣量加拔擢伊等實覺榮幸非常互相勸勉但係土司屬下與帶領屯練之土弁各別祇與空銜頂戴

將來毋庸給賞惟現在出兵之時該土弁等所得  
鹽菜銀兩舊例每日四分較土兵多給銀一分其  
口糧止准一升與土兵並無差別伊等以土職帶  
兵亦有跟役而大兵深入覓食愈艱是以臣溫福  
行令軍需局詳議各土弁鹽菜銀兩于常例外再  
添二分其口糧一項請將土都司照綠營千總之  
例准帶跟役三名日給口糧四升土守備及千把  
照綠營外委之例准帶跟役一名日給口糧二升



伊等日食既得稍充且與兵丁畧有區別于管轄行走事宜亦為有益其帶領屯兵之各土弁亦一例辦給統俟奉到

硃批咨明當噶爾拉綽斯甲布兩路軍營一體辦理奏  
入

上是之

壬子阿桂明亮奏言納圍山腿之旁樹木叢雜賊  
番往往偷來潛伺動靜臣等令官兵于每日丑刻

以後下溝至日出後賊番瞭望可見之時先回一半其餘一半仍行潛伏使其不覺以便勦殺三月初九日辰時果有賊數十人陸續伏地爬來我兵上前截殺擊斃十餘名維時我兵尚在崖坡追擊其山梁上賊衆俱集於卡內向南一面往下放鎗接應臣等令官兵將大礮對準施放當將卡牆正中擊穿礮子從賊叢中直過眼見擊中六七人賊匿入地窖情頗窘迫惟是日來晴雨不定初十日

夜雪尤甚營盤左右積至二三尺山陡路滑實難  
措足臣等不敢坐守現在督率官兵乘夜冒雪增  
築礮臺俟晴攻取奏入報

聞

同日阿桂又奏言查綽斯甲布一路進兵最關緊  
要本年正月間工噶諾爾布遣其頭人來營請安  
臣告以聞工噶諾爾布頗有心胃從前金川將綽斯  
甲布官寨大門砍破又殺汝土司族弟革布什咱

土司汝土司因有重仇不肯修整寨門以示必欲報仇之意今大兵進勦金川汝土司正當乘時洩忿不應尚有游移現在大兵三路分攻各土司無不出力助勦金川指日滅亡原不借汝土司兵力汝土司當自行酌量等語使其知所愧奮嗣該頭人去後工噶諾爾布復遣僧格爾喜勒來營叩稟又將不滅不休各緣由反覆詳示僧格爾嘉勒頗能領會查僧格爾嘉勒族兄松乃係緯斯甲布大頭

人善于帶兵向與金川有隙去年因被霍爾章谷  
拘留經臣嚴飭放回後又患病是以未及領兵打  
仗今松乃已往宜喜督兵自必較前奮勉而計僧  
格爾嘉勒此時應回該處工噶諾爾布亦必專心  
助勦奏入

上嘉之

癸丑豐昇額舒常鄂寶奏言竊臣鄂寶於三月初  
九日抵宜喜日旁軍營與臣豐昇額臣舒常會商

後路駐兵事宜並查覺木交地方為宜喜日旁兩  
營後路且係總匯之處必須多貯軍糧以備兵食  
又地面寬濶在在深林密箐賊番夾壩多出于此  
臣鄂寶現駐覺木交催趙糧運即留心拿訪賊匪  
以靜地方惟是丹壩一帶可通金川隘口甚多若  
照劉秉恬原擬兵數尚覺少單必得多兵駐守不  
但于全局有關且可為堵截賊首遁逃之備是丹  
壩之兵不可撤至綽斯甲布斷無疑義但溫福阿

桂擬調之兵現未接奉

諭旨即蒙

俞允到營亦需時日而綽斯甲布防勦事宜緊要查川  
省屯兵定額三千有事為兵無事為民均係生長  
邊地與兩金川番衆無殊登山越險較綠營兵頗  
為得力去歲西南兩路雖調有一千數百名其中  
受傷陣亡病故者仍歸本處充補此時若再調五  
百名尚不致于竭蹶且維州一帶距綽斯甲布甚

近倘蒙

允准臣等即便調取來營備用奏入

上諭軍機大臣曰綽斯甲布現在需兵而丹壩之兵又不宜減撤自應酌量抽撥川兵以備防勦之用但豐昇額等所奏屯兵平時以耕種為常未必精于訓練恐與新募之兵無異即使能登山越險而技擊未嫻亦于軍營無濟著傳諭劉秉恬如川省舊兵內尚有勇壯可選者即派五百名令其迅赴綽斯甲布軍營



聽豐昇額等撥用如舊兵不敷即調屯兵亦無不可  
乙卯鄂寶奏言臣於二月十八日由美諾前赴宜  
喜大營查看沿途新設台站人夫馬匹渡船等項  
俱經理妥協至糧石自分路進勦以來除南路木  
池協同濟運外其由梭磨改運者截至二月三十  
日共運過九千一百餘石現均陸續運營加以木  
池協運供支宜喜日旁兩營兵食尚有贏餘目下  
情形無虞缺乏但查此項米石多係前此招商運

至木了山改運此路現在大營官員兵役以及各  
站長夫核計每月需米萬有餘石此時臺站雖經  
安設而內地招商並派官運送之米出口無多恐  
不足資接濟且此路糧運一有充餘南路台站即  
可裁撤臣屢次飛咨署督臣富勒渾上緊督辦以  
期無悞奏入報

聞

同日貴州巡撫圖思德奏言查黔省各營兵數上

游共額設一萬六千餘名川省兩次調撥派出五千九百三十名現存一萬有零因恐軍營續需調派先在下游各標營內預選兵二千名以備咨調  
茲奉

諭旨復於臣標暨上游提鎮各標選派兵一千名同派定下游之兵共成三千名仍分六起派副將寶琳等統領行走惟查各營官兵距入川總路有十餘站至二十站不等各令各在本營候調恐稽時日

是以酌定營分在上游者令先赴畢節駐劄在下  
游者令先赴省城駐劄一面飛咨署威寧鎮臣福  
興並委糧驛道國梁先往入川總路彈壓再行知  
布政司將應借各兵綿衣銀兩先運貯畢節縣庫  
至時即令該鎮道等會同散給臣候軍營咨到即  
親往督催前進再查硝觔一項軍務所必需上年  
已令各屬熬就十萬斤以備咨取臣復檄令該地  
方官于產硝處所再為熬備應用奏入

上諭軍機大臣曰前因阿桂奏言添調黔兵曾諭令圖思德預行選派聽候咨調今據圖思德奏業經挑選預脩因念綽斯甲布兵數似有畧少或必須添兵集事亦未可知今軍需已撥至一千九百餘萬即因添撥黔兵稍多費用原所不惜况黔兵既已預脩未便俱令停止設或將來仍復須用又費周章轉致多延時日著傳諭豐昇額將是否尚須添調及應調若干之處就近與溫福阿桂札商妥辦

丁巳劉秉恬李煦常保住奏言臣劉秉恬于三月初九日行抵木果木初十日即往後山梁逐加查看其地在溫福軍中之北山上約行五六里翻過山梁陰坡積雪數尺東北係小金川界越山則直接金川之勒烏溝路通勒烏圍德爾森保與副將多隆武帶兵一千三百名現於勒烏溝口設卡五處卡後營盤駐兵策應其附近山梁及各要隘安卡二十二處分布巡防聲勢聯絡臣劉秉恬因我兵

尚未深悉金川道路令熟諳徑途番人遍歷各卡  
詳細查詢據稱所設各卡俱甚妥協十三日前抵  
功噶爾拉軍營遍山積雪氣候極寒臣等查賊番  
所據了口在功噶爾拉之頂我兵於山腰設卡與  
了口上下相對每日用礮轟擊復於緊要處所排  
立卡隘晝夜更番防範至臣李煦常保住駐劄營  
盤相距石卡里許時刻查看守備甚嚴尚無  
賊番窺伺至功噶爾拉形勢賊番居高臨下

乘隙潛來似便但山陡凍滑一經我兵追截即難  
退走番情惟利是圖畏死尤甚以此揆之似不敢  
肆其伎倆奏入報

聞

已未溫福海蘭察奏言臣等與各領隊大臣察看  
昔嶺賊碉形勢第五碉最為高聳若得此碉則北  
面四碉南面三碉皆易攻取今奉到發回昔嶺地  
圖蒙



聖明指示令於第五六礮間結卡攻逼實  
與此間形勢恰中機宜臣海蘭察率  
領官兵連日以來於第五六礮間共  
拏木卡五座造一礮臺運上三四號  
礮位向礮轟擊當拏卡時賊番因與  
其礮逼近冒死出戰官兵均各奮勇  
一面拏卡一面迎擊殲賊甚多所有  
木卡礮臺與賊第五礮相離不及一

箭所放之礮發無不中十七日夜間  
賊礮及礮旁石壁大半破壞是夜亥  
刻臣等派兵直上賊衆抗拒官兵不  
避鎗石數次鏖戰痛加殲戮至十八  
日黎明下雪官兵稍休午間又復冒  
雪前進近逼礮根攻挖緣雨雪未止  
官兵久戰衣皆凍濕即於賊礮就近  
結卡歇息此時力施大礮必使第五礮全行摧

塌即可佔據其地以便次第進攻再前此阿爾蘇  
納所佔兩山腿有賊二百餘前來侵擾阿爾蘇納  
等分兵夾攻大殲其衆餘俱被創竄走我兵趕至  
山腿奪取石卡二座今往下拿卡由兩山腿至溝  
底共已有三十餘座但溝中林木深密絕無行路  
現在搜捕賊衆即順便開道俟渡過深溝應于何  
路進攻再為相機辦理同日溫福奏言臣欽奉  
諭旨據阿桂所訊賊番伊什供詞內有聽得功噶爾拉

一路打不進來如今退出要走昔嶺等語臣查喀爾薩爾與昔嶺均係從前進兵之路當時昔嶺之兵由曾頭溝布朗郭宗而進喀爾薩爾之兵由美諾功噶爾拉而進是以糧運分路供支而官兵抵昔嶺及喀爾薩爾祇隔山溝調遣原屬一路臣此次進剿昔嶺若按照乾隆二三年兵行之路繞布回布朗郭宗而進不免紆迴臣維恐有耽延因即從功噶爾拉了口北邊開路而行查功噶爾拉一

山南北綿亘百餘里臣所開之路在了口北二里許仍係功噶爾拉山梁不過未由了口行走此山為兩金川交界一過山梁即金川賊境不難深入矣今在木果木山頂察看形勢功噶爾拉了口已在背後六七十里而下視喀爾薩爾即在目前惟緣山溝密箐難以徑過現在逐漸砍出道路拿卡下逼若攻過昔嶺賊碉不特可至喀爾薩爾并可徑攻噶拉依是臣此次實已越過功噶爾拉設法

進取並未敢將官兵撤退繞行且官兵由功噶爾  
拉翻山而過衝雪凝冰頗為不易兼以山高氣冷  
撲礮防卡尤屬艱苦惟因昔嶺已近賊巢人人思  
尅日藏功故一月以來軍中無不踴躍奮勉臣前  
奉

聖訓據虎兒所供道路情形現在進攻之昔嶺甚為扼  
要祇緣礮堅路險永滑雪深未能迅即得手但木  
果木一帶地圖業經臣屢次繪進而從前攻勦形勢

載在方畧自蒙

聖明洞鑒均奏入

上諭軍機大臣曰溫福等奏攻勦賊番第五碉情形將  
領弁軍等出力奮勉均屬可嘉第因冰滑雪深未能  
迅即得手原不必過于焦急即漸春深候暖可望雪  
霽冰消自更易于集事溫福惟當相機妥辦佇聽捷  
音至令摺覆奏移營木果木一事溫福初至功噶爾  
拉原期併力進攻嗣以該處徑窄碉堅急難施力因

間留李煦等在彼牽綴賊勢自由間道繞至木果木  
與海蘭察合攻昔嶺奏到時朕方嘉溫福辦理之得  
深為可悅至阿桂前奏金川賊番供詞毫無關碍溫  
福之語朕之傳諭詢問亦以賊番既知溫福等在彼  
用兵必心生疎懈又可為出奇制勝之策並未疑及  
溫福之退怯不前且溫福自功噶爾拉移營木果木  
已由間道之進六七十里即使仍退由美諾等處再  
赴昔嶺亦不過去朕實未因此稍存嗔責溫福又何



必過于疑懼多心若此乎大臣委任軍旅為國宣勞  
朕時加體恤苟非實有大過無不格外矜全即平時  
有嫌之人思欲逞私傾陷其伎倆焉能在朕前嘗試  
朕亦豈肯容其設計中傷溫福在軍機處甚久寧不  
知朕辦事光明正大而為此斷斷置辯乎況將軍等  
奉命勦逆所辦同係一事原不宜稍分畛域今正當  
緊急進攻之時溫福以大學士膺將軍之任尤當有  
休休之度豈可以此等事芥蒂于中乎將此傳諭溫

福阿桂務當共體朕意努力辦公毋存私怨

平定兩金川方略卷五十四

欽定四庫全書

平定兩金川方略卷五十五

閏三月辛酉豐昇額舒常奏言三月十七日天氣稍覺開霽火攻可期得力

臣

豐昇額即派巴圖魯

侍衛佛倫泰等帶兵八百名從東進攻巴圖魯侍衛富爾賽等帶兵一千名從西水卡進攻又令兵丁各攜火彈柴捆並貯土口袋以便填溝而過焚燒碉卡十八日子刻各路官兵齊上山梁逼近碉

柵拋彈縱入其第一層溝內賊番燒死甚衆官兵  
即將柴捆火彈向碉卡拋擲而第二層溝貼近碉  
根隨拋隨墮溝深不能堆積上燃賊見情形急迫  
當有百餘人潛繞而下欲截官兵之後其東路之  
佛倫泰等聞知即帶兵向西抄截西路之富爾賽  
等亦帶兵往東合擊賊賊六七十人官兵仍即向  
前攻撲忽而風雪迷漫柴濕火滅官兵雖竭力攻  
取而久持無益漸次撤回至臣舒常日旁地方察

看形勢逼近賊碉必須先拏木柵方為妥便即派  
侍衛普濟保等先於十三日子刻乘雪帶兵潛往  
約離賊碉兩箭之遠拏立木柵比及賊番知覺施  
放鎗砲而漢土兵丁已將木植排立於外土袋疊  
積於內不能穿透忽有賊二百餘人分隊來衝被  
官兵預備之鎗砲以及木柵中之鎗一時並發殺  
賊二三十人帶傷者甚多餘俱潰散臣令將木柵  
修立堅固四面掘濠選兵五百餘名駐守且距砲

臺不遠可以互相照應旋經臣豐昇額知會同日  
進攻臣舒常於是日丑刻分兵潛進官兵繞過新  
弩木柵十餘步賊即放鎗抵禦官兵進至溝沿拋  
擲火彈下燒溝中伏賊紛紛驚亂官兵即用長矛  
下棚殲斃甚多維時風雪驟至賊下見南邊攻撲  
木柵官兵地形偏下從高下壓官兵施放連環鎗  
擊斃賊三四十人臣舒常並令火器營護軍校百  
合等由樹林中潛往射死數人餘仍竄回碉卡臣

豐昇額查達爾圖山北日旁高出數倍進攻必由  
陰坡而上即俟天氣和暖而積雪一時難化措足  
維艱惟日旁山勢稍平倘得晴融數日向陽山坡  
頗可行走且達爾圖及日旁俱係金川門戶一處  
攻克皆可直搗賊巢現在分兵兩路雖能牽綴賊  
勢而兵力未免稍單臣豐昇額擬即帶兵潛往日  
旁與舒常會合併力進攻或可速為集事至宜喜  
軍營臣酌留兵六千餘令領隊大臣華善提督馬

彪署提兵官達色等帶領駐守仍令每日照常放  
砲轟摧作進攻之狀賊番若撤守禦之衆潛往日  
旁亦可乘虛而入同日鄂寶奏言三月十三日據  
叅將馬應詒稟稱撒拉角地方遞送公文兵丁冉  
如學等行至東北山梁哭遇夾垵該兵被戕身死  
等情臣查軍營後路雖經分駐營卡而於撒拉角  
未設有防兵當飭該叅將就近撥兵設法躡緝並  
諭令綽甲布土司工噶諾爾布一體查拏務獲臣



思此一帶駐守之兵俱因護糧運軍郵而設今既  
令其查拏夾填若不分定界址專以責成恐致互  
相推諉臣現在檄調副將董梁來營令其查明分  
防地方某處至某處若干於適中定界逐日各派  
官兵會哨巡邏倘遇該管界內夾事不能及時拏  
獲立即叅處使之各顧考成實力查辦至撒拉角  
應否添設防兵之處臣現在札詢豐昇額商定均  
奏入

上諭軍機大臣曰豐昇額等乘夜進勘調度頗為合宜  
在事之將領弁兵亦俱能奮勉出力乃為風雪所阻  
實覺可惜向後漸暖佇望捷音至賊番敢於屢次滋  
擾甚屬可惡且軍營後路運送軍糧火藥關係緊要  
尤不可不嚴加範圍鄂寶將駐守各員分定界限會  
哨巡查固足以杜推諉而專責成但此等賊匪以搶  
掠為常事若不重示懲創不能使之畏懼賊番既能  
於林箐中放夾填官兵何不可潛伏殺賊多殲數人

庶幾深知儆畏不敢輕出方為妥善豐昇額現在帶兵  
弁進剿不能分心兼顧著將此事專交鄂寶令其酌  
量多派官兵實力妥辦

壬戌阿桂明亮奏言查當噶爾拉山梁前因雨雪  
連綿未能攻撲臣等體察情形自西而東之第四  
碉經官兵用礮晝夜轟摧本已頽毀茲自三月十  
九日後天氣開霽自當速為進攻但臣等思現在  
官兵雖於前此所克第五碉處設立營卡橫截於

山梁衆碉之間已斷賊番聯絡形勢然尚未能即  
扼賊番要害若將菲西山梁賊番第一雙碉之東第  
二碉先能攻得則納扎木三四兩碉前後夾攻更  
易於克取而緊接納圍東邊之第八碉若再能佔  
據則六七兩碉左右皆係官兵營卡賊番勢難孤守當撥官  
兵於二十一夜陸續分進潛至各碉崖礮之下而賊於第四  
碉西坡礮旁修木石大卡三座又於碉旁之溝設立兩層木  
柵防禦頗為嚴密臣明亮同三寶伊常阿綏庫督率進攻

官兵均以雨雪稍稽深懷憤切鎗箭聲發拔柵過  
濠與賊短兵相接直逼礮根隨於礮牆轟塌處踴  
躍攀援而上賊番放鎗不及紛紛潰逃當被官兵  
殺死五十餘人受傷竄走墮入崖下雪中者又有四五  
十人其進攻第八礮及攻菲西山梁第二礮之官  
兵亦至礮下溝邊竭力奮攻賊番鎗石如雨未能  
透克且時已日中水泥融化難以用力始漸撤回  
賊番因連次受創並不敢出礮拒敵間有往接應

者又被官兵擊斃約有五六十人當即令將所得  
礮卡拆毀另派官兵拏卡與前此所得第五礮地  
方營盤聯絡駐守查此次進攻賊番不敢明來接  
伏但如所攻之第四礮賊番於礮外多添卡座彼  
此應援且編結柳條中實泥土以為卡牆藉此禦  
砲又於礮卡內深掘地窖地窖之旁斜上穿眼藏  
身既固放鎗復便死守之謀實為周密但如此抗  
拒而第四礮竟行攻得則官兵之氣更覺奮揚此

時營壘排列山梁之上所佔地面已寬其迤東迤西各碉又可相機攻取奏入

上諭軍機大臣曰阿桂等奏攻得山梁第四碉一摺在事之將領弁兵等奮勇可嘉著阿桂等查明存記檔案俟山梁碉卡全行攻得再交部議叙其陣亡之漢土兵練及受傷之官弁兵丁並著阿桂等確查咨部照例卹賞至第四第五兩碉連次攻得已隔斷賊勢令其首尾不能照應就此情形即由攻克碉卡之處

乘勝深入固無不可但山梁未淨賊礪尚餘六座若  
不一併攻克則後路未能肅清或為賊所阻截轉屬  
不成事體阿桂務須設法全數埽除使官兵得以進  
進無滯尤為妥善向後天氣漸暖冰雪日融自更  
易於得手三路中有一路攻進其他賊勢自然潰解  
將來大勲克建雖勞績維均而先得首功者自必更  
膺茂賞著傳諭阿桂等勉力為之

同日阿桂又奏言

臣 欽奉



諭旨詢問金川舊圖所開路徑查現在攻取之當噶爾  
拉山梁下即係克舟九寨該處地廣寨多每寨番  
民百戶及數十戶不等順河而東北即係僧達地  
方若從巴旺布拉克底之深嘉卜一帶繞進固可  
前抵僧達但克舟九寨係在當噶爾拉後山山半  
而僧達乃在山下大兵若由此進攻是賊番轉據  
山上得以凭高抗拒恐未易得利今從當噶爾拉  
進攻一將山梁各碉克獲自高而下從克舟九寨

直抵僧達自有建瓴之勢查僧達一處隆胡十二年總兵馬良柱曾經攻抵其地所以未能深入者爾時因無大砲為其所阻今大兵若至此地則距噶拉依不過三四十里用砲轟摧無難攻取自下金川賊衆在當噶爾拉據險死守若使大兵到從深嘉卜地方進攻克舟九寨直逼僧達俾其前後受敵更為得勢而現在兵力不能再分臣查此三路進兵昔嶺一路距噶拉依本近然必攻上昔

嶺再得石城攻克始能直壓賊巢而縛斯甲布一  
帶若攻上宜喜日旁山梁其下即係人衆田多之地  
大兵至此則賊已失所依恃勒烏圍雖在隔河勢  
亦搖動至臣現攻之當噶爾拉官兵營壘橫截山  
梁在賊衆碉卡之間此時若連營而下未嘗不可  
但山梁延袤二十餘里雪積凍深分駐分攻所需  
兵力不少若復徑行前進勢不能多兵接續而各  
碉內皆有賊番乘間衝截後路不可不防必將當

噶爾拉賊衆一律掃清始可懸旌前進竊計此時  
全局情形臣一路官兵已上山梁未能下壓而溫  
福豐昇額兩路官兵又皆未上山梁所以於勒滅  
凶渠之局尚未敢遽言尅期蕝事此三路兵內得  
一處攻開賊番支拒已難若更攻開兩處則賊番  
之力量日形其絀臣於乾隆十三年在金川軍營  
時聽聞衆議皆以為斷不能辦臣彼時頗為憤切  
及前歲來至軍營尚無人敢言接辦之事即兵丁

等言及金川輒皆動色相戒茲自小金川掃蕩遂  
接勦金川以來我兵日與賊番接仗各思奮勇見  
功毫無畏怯而屯練土兵等咸稱此次金川必滅  
並附近各土司喇嘛等亦皆虔誦得勝諸經以祈  
速滅金川并有言賊酋於某時某月必滅特來稟  
告者人心如此

天意可知現雖礮位不無炸裂雨雪亦覺稍多但兵丁  
俱獲安全賊番鎗礮絡驛營盤之上而受傷者絕

少此皆仰藉

皇上威福所庇而賊番滅亡之兆即於斯可卜臣現在督率官兵併力奮攻務在迅克當噶爾拉山梁進抵僧達自可乘勢直搗賊巢奏入報

聞

同日富勒渾奏言臣欽奉

諭旨遵即確查藩庫實存銀數併現奉部撥銀五百萬兩統計軍需支用約至六七月間即須接濟至人

夫一項臣按署後因查有派及里下者亦有官為  
顧募者從前辦理並未定有章程業飭軍需局并  
各站員詳細查明分析造報容俟覆到時再行據  
實具

奏查川省自辦理軍需以來一切人夫官給工價未  
嘗絲毫累及閭閻不過輓運稍資民力而小民藉  
以為生計者甚多均極踴躍臣留心體訪每於各  
屬進見時諄諄告誡并察詢民情俱稱寧帖至咽

匪最為不法然皆係無業之民現值軍興多赴口  
外充當夫役內地偶有存留又經署臬司顧光旭  
設法嚴懲莫不畏法臣現駐省城凡察吏安民之  
事皆分所宜為斷不敢稍為玩忽奏入

上諭內閣曰川省自用兵以來節經降旨撥解隣省及  
部庫銀共一千九百餘萬兩詢據富勒渾奏到此項  
銀兩約計可用至本年六七月間現在將軍等分路  
統兵進剿屢次攻克至彼時自可掃穴擒渠大功告



歲而軍需一項不妨寬裕儲備以資應用著交戶部  
再酌撥銀五百萬兩解赴川省其作何分撥解運之  
處即著戶部妥議速奏

癸亥戶部奏言臣等遵

旨擬於河南省撥銀九十萬兩安徽省撥銀九十萬兩江蘇省  
撥銀一百二十五萬兩江寧留協地丁項內撥銀二十六萬兩  
湖北省撥銀十萬兩湖南省撥銀五十萬兩兩淮  
鹽課項內撥銀六十萬兩浙江省鹽課項內撥銀

四十九萬兩共銀五百萬兩行令各該督撫並政  
即派要幹員弁分起解川備用

乙丑劉秉恬奏言據小斗廩糧員崇慶州知州陳  
子檜稟稱三月十七日夜有金川賊番百數十人  
由東山梁而下烏鎗聲響離時外委胡林逸送摺  
報前赴功噶爾拉當即會同外委哈元功督率站  
夫差役客民等持械往勦已被賊番焚燒客棚劫  
去客民貨物分路而逃復差人上梁查視情形據

稱梁上賊番新修水卡接連五座查得客民被賊  
殺斃者二人受傷者七人客棚被焚者三座次日  
賊又在小牛廠十餘里外之一碗水地方林中呼  
嘯等語臣查小牛廠距金川甚遠賊番突然而來  
設卡屯據似難憑信該番等如果窺伺後路勢必  
盪繞道遂方能到此小牛廠兩面俱山一經追截  
其勢難於逃竄正可乘此痛加殲戮隨飭總兵五  
福撥兵二百名由美諾就近馳赴小牛廠南口臣

亦卽由簇拉角克帶兵二百名由帛噶爾角克翻山直抵該處以期兩兵會勦乃行至中途卽聞並無賊番之語及抵該站五福亦已到來臣親往查驗賊番出入路徑及搶奪情形詳加詢問始知是夜祇有賊匪數人於糧臺二里外搶奪客民食物客民潘合黃與賊格鬪致傷殞命因彼此鬪亂之時松棚失火延燒至山梁並無卡座一碗水地方亦無賊匪踪跡與該州所報情節迥殊臣查小牛

厥現駐糧臺雖無賊番屯據之事但搶奪傷人實屬不法除密訪務獲外臣並於駐防美諾兵內酌撥一百名在小牛廐一帶安卡巡防使賊匪不敢再行滋擾至口外安設糧臺多係荒僻之區遇有緊要事件全賴站員鎮靜主持以資彈壓乃該州陳子檜一聞賊匪搶奪之言遂致心膽俱喪輒據道路傳聞妄稱賊衆屯聚詞涉張皇似此老嫗無能非但不能辦理站務即換回本任亦必致廢弛

地方應請將陳子檜革職示儆奏入

上諭軍機大臣曰劉秉恬奏崇慶州知州陳子檜妄報賊匪搶奪情形叅請革職自應斥革示儆其小牛廠山梁並未設立木卡亦無賊匪屯聚踪跡既據劉秉恬親行查勘自屬非妄但該處現有賊番搶奪滋擾之事或賊匪即在附近林箐中潛蹤嘯聚偷放夾壩亦未可知所謂寧可信其有益當加意預防雖劉秉恬已派兵百名在彼安卡防守尚恐不足濟事且此

一帶為運送兵糧軍火所必經尤關緊要不可稍有疎虞該督務派妥幹員弁帶兵往來巡查遇有賊踪即竭力搜勦殲戮無遺使賊匪知所畏懼不敢輕犯

臣等謹按賊匪情同鬼蜮搶掠是其長技小牛

廠雖隔金川尚遠而爾時距木果木之變不過兩月有餘安知非小金川降苗先被金川勾引為其所用因而潛擾糧臺偵探我兵虛實乃該督恐傳聞惑聚所謂知其一不知其二恭誦

諭旨以為潛跡嘯聚事未可知

勅令寧信其有益加防守益惟哲秉先機是以辨之於  
早而思患預防無微不至也

丙寅豐昇額舒常奏言臣豐昇額於三月二十一日  
夜間帶領官兵潛赴日旁低處暫駐察看賊番  
據守情形山勢亦險但較之達爾圖有間且此處  
冰雪漸融路不甚滑山梁中有大礮一座左築石  
卡右列木柵外有丈餘深溝橫繞若由正路而進



勢難得手須從兩旁抄截後路並於正路攻擊使  
不能首尾相顧可期制勝臣於二十三日丑刻督  
令各隊官兵以次前進逼近木柵勢甚猛銳賊番  
忙促約有百餘從溝口齊出前來抗拒當被官兵  
擊斃過半餘仍竄匿守碉不敢復出臣等細察賊  
情此時不過恃有碉卡遮身深濠難越若盡行擊  
毀失其所恃自必易於攻取此次打仗都司釋迦  
保因督兵屢逼賊寨受傷陣亡

同日溫福海蘭察奏言查昔嶺第五碉此時雖經被砲擊裂而碉樓甚大周圍石牆又甚堅厚尚有丈餘未經摧破臣等飭令副都統額森特自前立卡座處復斜立二卡晝夜連用砲轟至三月二十日又將碉擊碎大半臣溫福同臣海蘭察商議現在賊碉既已損壞至此若分兵二三路一齊衝擊再派兵一兩路攻取兩旁之碉使其不能互相救援似能濟事隨派額森特領兵四百名由左手而

進副都統阿爾蘇納烏什哈達領兵四百名由右手而進臣海蘭察督兵由中路前進同取第五碉又派副都統巴朗普等各領兵四百名分取兩旁碉屋二十一日黎明三路官兵俱抵第五碉墻下正欲攀登溝內藏匿賊番出而抵拒官兵奮勇衝殺不避鎗石時都司曹順所帶投誠之番人阿嘉忽見披紅褐賊番知川頭目即向前用刀殺死曹順亦面中石傷官兵幾次衝進賊番鎗石如雨不

能久立暫且撤兵又阿爾蘓納烏什哈達等連日  
下溝開路除前立卡座之外每日一面打仗一面  
立卡現已直抵溝邊賊番甚為窘迫常乘夜來擾  
新立之卡俱被我兵追殺受傷逃竄二十一日晚  
林內有賊三四百人分三路而出阿爾蘓納烏什  
哈達等領兵迎敵殺死三四十名亦即奔潰均奏  
入

上諭軍機大臣曰豐昇額等奏進攻日旁碉卡殺賊情形

又溫福奏攻勦昔嶺第五賊碉各摺在事官兵俱屬  
勇往著交將軍等仔記俟全得該處碉卡時查明交  
部議叙其溫福一路之都司曹順殺死賊目不期面  
帶石傷實為奮勇可嘉著以進擊用遇有軍營缺出  
即行補授其豐昇額一路之都司擇迦保屢逼賊寨  
傷重捐軀殊可憫惜著照叅將例咨部議卹又西路  
陣亡受傷之弁兵並著查明咨部照例卹賞

同日豐昇額舒常又奏言三月二十日據暫駐丹

埧副將李天佑稟稱卓克采土司甲噶爾布木之女嫁與索諾木為妻近聞病故甲噶爾布與從噶克土司那木扎爾商量欲遣人前往揮旗燒紙副將聞之不勝駭異隨即譯諭甲噶爾布木等云金川知爾等派出土兵助勦為此懷恨將汝謀死如何再去揮旗燒紙自投死路惟應隨大兵速滅金川為是等語臣等伏查卓克采與金川雖係兒女姻親但現值大兵進攻土司助勦自未便聽其往

來通信李天佑所諭之詞似屬得當惟審性多疑  
尚須明白開導方為妥協臣等如逕諭卓克采土  
司等恐其畏懼太過轉致無益是以仍密飭李天  
佑再作伊意諭以金川賊酋悖逆已極罪在不赦  
令汝女既死絕無瓜葛更當隨征出力剪除禍根  
令爾等若遣人前去與此種旦夕滅亡逆酋通信  
往來爾等不免受累令李天佑譯出就近發給仍  
查卓克采奉諭後光景即行稟聞計此時五福亦

當將抵丹埧臣等密札五福一體留心駕馭以收其心而得其力均奏入報

聞

同日豐昇額又奏言臣來日旁山同三等侍衛瑪爾占領兵行走因山路崎嶇人馬俱倒不能行動臣因覺木交糧站甚近鄂寶現在彼處令其照應醫藥可冀速痊瑪爾占雖言語含糊尚諄諄以仍來軍營効力為請俟調治數日是否痊愈或留軍



營或送回京再行辦理奏入

上諭軍機大臣曰瑪爾占山行馬倒受傷甚重尚以仍來軍營効力為請其感戴朕恩悃誠可念著加恩授為二等待衛賞銀五十兩將此寄知豐昇額如瑪爾占調養可愈仍令前往軍營以遂其願

臣等謹按敵愾忘身人臣之義瑪爾占以隨征侍衛因馬倒致傷自非臨陣被創可比乃

皇上念其受傷之後尚以仍赴軍營出力為請特傳

天語恩賚頻加以此鼓舞行間疇不感激涕零爭圖報効溫語拊循人如挾纊收羣力而集大勲莫非至仁之所致也

同日

上諭內閣曰上年秋間川省調取各省征兵所需皮棉衣具等項均令地方官代為辦送例應於各兵餉銀內分季扣還前曾降旨將甘省兵丁借領辦裝銀兩俟凱旋後再扣以紓兵力所有陝省征兵製辦衣履

借領司庫銀兩事同一例並著加恩統俟該兵凱旋  
後再加還項俾各兵眷屬養贍寬然該部遵諭速行  
同日溫福又奏言查金川賊匪較小金川更為狡  
悍乘間偷刦是其常技臣自上年進剿無時不嚴  
飭將領留心防範並可趁其遠來盡力攻擊自移  
營木果木各山營卡俱已逼近賊碉屢有賊番乘  
夜來擾因官兵預為準備從未稍致挫失且每次  
必有帶傷被殺之賊臣奉

諭旨查辦矣。其見有可辦之處，即派熟識路徑之人，帶領漢土兵丁，潛往捉拏活口，聞達扎克山溝之西董寨地方，向有人踪，曾差自京來營之金川人楊素前往伺察。擒拏未見踪跡，嗣查未果。木後山德爾森保所駐之處，有溝一道，林箐深密，屢有賊匪窺伺。均經官兵擊走。因復令楊素帶兵三十名前往，據稱探得山坡林內有松棚二處，藏匿十數人。官兵奮勇趕殺，又有兩隊賊番，各有七八十人前

來救應因賊多兵少即行撤回等語再查阿爾蘇  
納所佔之木果木山腿現在向下拏卡已至溝底  
賊番見官兵將次過溝情勢迫切常於黑夜潛來  
計圖滋擾俱經官兵殺退又於三月二十一日傍  
晚有賊三四百人分為三路欲撲新設兵卡阿爾  
蘇納等帶兵往勦殲賊三十餘名其餘受傷者甚  
多自此賊番不敢復出官兵拏卡並無阻碍奏入  
報

聞

平定兩金川方畧卷五十五

欽定四庫全書

平定兩金川方略卷五十六

閏三月庚午阿桂明亮奏言臣等抵當噶爾拉時  
即有賊番卡外叫喚懇求說話臣等嚴諭官兵置  
之不理近于三月二十一日復有賊番喊稱投稟  
臣等即派兵於二十二日攻得賊番碉卡自二十  
四日以後賊番叫喚更急并云稟內並無觸怒之  
言將軍看見自然滿心足意其兩路將軍處亦已

具稟等語揆揣其情似欲以送出僧格桑之言為  
哄誘之計臣等仍嚴切曉諭不許收稟伏思賊番  
詭計百出非藉以窺探軍情是否必期勦滅即藉  
以緩此路之兵撤出番衆更為抵禦他處之用其  
伎倆不過如此今若收其稟帖或與通言語不但  
漢土官兵妄生將就了事之心致多疎懈且使各土  
司疑大兵未必即滅金川伊等此時出力合攻致  
貽後患更非所以堅各土司之心故嚴拒賊番投



稟正所以鼓官兵之氣并示土司以信俾共知此  
番必滅金川金川既滅則僧格桑為釜底遊魂無  
可逃遁是僧格桑就俘之遲早目前在所不爭惟  
一意掃滅金川並擒二酋庶足以永綏邊徼

同日阿桂明亮又奏言臣等於三月二十二日攻  
取當噶爾拉第四碉殲賊衆因思賊番既失此  
碉必乘夜間潛來偷刦是以另派官兵趕拏營卡  
與此番所得第五碉地方營盤聯絡駐守賊見大

兵防範甚嚴是夜不敢來擾至二十三日亥刻賊料我兵因上夜毫無動靜此夜必不設防有二百餘人從山溝箐林內潛爬而上直來偷刦已旺布拉克底土兵營卡是時雲霧甚濃土兵聽有響動均即放鎗賊番抵死沖至卡邊談土兵等各持刀矛短接奮力砍殺賊番既經敗遁希冀我兵必懈少頃復來又經土兵奮擊追殺至溝內箐邊而回此至明晨查看卡牆以外及溝中雪上血迹甚多

並有拖去賊尸踪跡及遺棄刀矛等物至二十四  
日以後所用各礮卡內賊番較多於前防備更為  
嚴密臣等思納札木正面之第一雙礮與納圍正  
面之第七大礮雖均據於峰巒陡峻之地仰攻殊  
為費力然我兵已擒得賊番第五兩礮設立營盤  
從梁上新得第四礮之營盤內由是東西將第三  
第二兩礮攻克其納札木之第一雙礮固可不攻  
自破但陰坡既陰雪凍尚凝我兵不能兩翼分抄

察看賊番情形又明知此第三礮為大兵必攻之地增柵濬壕完繕因守若專務先克此礮難免少稽時日查納團正路第六七兩礮形勢雖為最高而前所得第五礮之營盤距第六礮尚近連日密遣兵弁踴探若從山梁爬越進攻似可得手一得此礮則第七礮亦易用力而於大局更為得勢今將鑄成食二十二觔子之大砲於二十九日運上山梁施放頗為有準力轟數日第六礮自必頽隳

便可乘機攻撲惟是賊番狡獪異常若稍用力於此處著意即不免更增備禦今臣等令迤西各營將各碉卡一律用砲轟催使其不能測我注意何處以期乘間得利均奏入

上諭軍機大臣曰阿桂等奏嚴拒賊人投稟一事所見甚是金川賊番屢次喊求投稟不過欲藉以窺探軍營消息若其計得售即因以緩此一路之兵便可撤出賊番另為別路抵禦之用斷不可墮其術中倘賊

番以送出僧格桑為詞尤不可聽逆酋如果稍知畏服從前即不應為小金川幫兵抗拒即僧格桑投竄至彼亦當立時擒獻不應復為容留今見事勢窮蹙始欲藉此以求倖免其情罪實難輕宥現在官兵各路進攻惟有并力掃蕩賊巢擒縛兩逆豎以申國法而靖邊番更無別有游移之見如此嚴切飭諭令土目等高聲傳告庶足使逆酋喪膽不敢復生希冀而助勦之土司兵練等知官兵務在必滅金川各無後

慮益堅其踴躍用命之心即將士等知此次用兵有  
進無退亦可勵其勇往圖功之念若金川竟將僧格  
桑送至軍營則前此屢降諭旨甚明即可遵照妥辦  
至所云兩路將軍俱已具稟若果有其事溫福等早  
應入告其為說說已屬顯然蓋賊番借彼兩路為詞  
以圖聳聽其於彼兩路諒亦用此伎倆溫福練習已  
久自不為其所惑惟豐昇額初經任用閱歷未深恐  
臨時尚無定見可將此詳悉諭知再阿桂等奏賊番

屢次偷劫土兵營卡俱經擊退追殺此等土兵出力者著阿桂傳旨酌賞賊番偷劫營寨乃其常技且知伺隙潛蹤接踵再至是賊番頗諳兵機其頑悖實為可恨惟當隨地隨時嚴加防範不可絲毫疎懈若籌畫畧有未周所關非小

同日阿桂又奏言查金川自郎卡至索諾木父子兄弟濟惡怙終實為天理所不容斷無不即滅亡之理且計其民戶本不多於小金川自十三年征



勦以後兼以各土司之相攻不復多有生聚而上  
年收復革布什咱時被戮及助小金川接仗計其  
傷損番民已為不少此時大兵分路進討賊番不  
過樹堅礮於至險必經之地恃以為固而大兵進  
勦之初賊亦尚能併力死守是以稍稽深入但各  
路官兵每次進攻輒有殺戮而守礮守卡之賊被  
鎗砲擊斃者亦無虛日況番地磽瘠居多每歲所  
收僅足各番之用今四面環攻疲於奔命耕作多

荒則饑餒之患日甚堅守之氣漸衰其勢自不能  
久為支拒臣平日用兵謹慎久邀

聖明洞鑒必俟有可乘之機方為攻撲之舉得只得寸  
以漸摧其要隘則賊者勢屈力窮自不難於殄滅  
奏入報

聞

壬申豐昇額舒常奏言臣等連日察看賊衆雖覺  
增添防守倍加嚴密而於來鎗砲子內間有內裏

石塊外用鉛包者其鉛丸缺乏可知臣等即飭經  
管火器將弁所有大小鎗砲子俱用生鐵鑄造使  
其拾去不能毀作至於大砲已經鑄成一二日間  
即能施放此處礮卡自必連根傾墮非達爾圖之  
礮僅能毀其上截者可比臣等現在悉心籌辦妥  
為布置並鼓勵漢土官兵務期一舉克獲

同日鄂寶奏言臣現馳之覺木交山前即係金川  
賊境山之左右有溝二道一通金川之熱斯羅一

通金川之鄂班卡隘甚屬緊要均宜嚴加防範臣  
抵營後逐日派撥弁兵坐卡瞭望會哨巡查並通  
飭後路各處一體巡邏以期寧謐詎於三月二十  
七日覺木交巡哨兵丁行至鄂班山口過河樵採  
忽遇賊番十數人從樹林中撲出將兵丁葉得盛  
戮傷其餘巡兵往救賊番復行抵禦會緝期甲布  
守卡土兵前往應援賊始由山溝竄遁我兵併力  
追逐賊番已至半山自上而下鎗石交加且林內

尚有賊衆潛伏因即退回查此地逼近賊碉路止數里且賊碉路來踞高衝下其勢甚易今既敢於窺伺滋擾不可不慎密嚴防現在覺亦交共設兵三百一十餘名內新兵一百一十餘名均係看守糧臺軍火等項其餘各兵除坐下會哨以及患病外每日實在存營者不過一百一二十名雖兵力單少臣惟有督率加意防守務期鎮靜至此外安汛兵丁內惟泥峙岡設兵五百餘名擇里呀哨設

兵六十名撒拉角設兵五十名周叟設兵四十名  
名頭設兵三十一名木池設兵三十一名木餘海  
子設兵五十六名山羊路設兵三十名三倉喇嘛  
寺設兵三十名統計雖有一千一百餘名但地方  
遼濶逐日均有巡哨及派遣差務兵力亦覺稍單  
容俟前次

奏調維州屯兵到日擇其險要處所量為加增用以  
壯聲威而資防守均奏入

上諭軍機大臣曰豐昇額等奏連日察看賊情一摺不謂伊等竟能用心及此甚屬可嘉今大砲已經鑄成天氣亦漸和暖自更易於得力豐昇額等益當奮勉成功用膺懋賞看來賊匪抗拒已久其鉛丸等項自必日漸缺乏此路賊情如此其昔嶺當噶爾拉兩路亦大畧可知溫福阿桂並當留心體察妥為籌辦及時來間攻克迅速掃穴擒渠以待酬庸渥典至鄂寶奏覺木交賊者滋擾此事甚有關係其地既距碯甚近

賊者屢出窺伺自係賊中要隘萬一探得我兵單弱  
糾集突來截我後路致綽斯甲布一路軍營餉道臺  
站畧有梗阻尚復成何事體鄂寶何竟不能計及於  
此僅以鎮靜坐守塞責乎據稱覺木交山前即係賊  
境左右有溝二道俱通金川此次夾壩即自鄂班山  
口而出是此兩溝卡隘賊必在彼屯聚若能趁賊番  
碣卡未多之時乘其不備帶兵奪取既可進逼賊境  
以斷其在後滋擾之路或併可由彼相機進取為得



寸則寸之計以此張我官兵應援聲勢於全局亦甚  
有益但此等機宜非鄂寶所能辦及朕又難以遙為  
揣度因此深切厘懷其地距阿桂軍營較近者阿桂  
就該處情形速即悉心籌畫應作何妥辦之處一面  
調度一面奏聞至覺木交該兵三百十餘名其各處  
防守又有兵一千一百餘名是該處防守原不為不  
多而分之則未免見少若能減無益之分防歸併有  
用之地自可資其實濟但覺木交地方尚未辦妥恐

其間路徑紛歧防兵又未便遽撤更不得不急為布置使無罅漏或兵力尚覺不敷亦不妨稍為添撥因思成都省城距鄂寶辦事之處尚不甚遠調兵亦易所有駐防滿洲兵前已調赴軍營一千尚餘一千名在省亦無必需之處或於此內酌調若干名前赴覺木交較為捷便

甲戌溫福海蘭察奏言臣海蘭察馳赴功噶爾拉山口會同提督李煦副都統常保住詳看形勢該

處積雪未融賊番仍前守禦一時尚難攻取復同  
臣溫福下至副都統阿爾蘇納等立卡之處看得  
卡座雖在溝沿但溝深而險對面之達扎克角賊  
衆連設木卡使其向下侵擾恐於我軍不利是以  
臣等公同商議令烏什哈達阿爾蘇納等帶兵一  
千五百名轉由達扎克角下攻閨三月初三日烏  
什哈達等會兵而下見有木城二座有賊百餘出  
拒被我兵殺死三四十人餘俱遁去官兵即將木

城據住乘勝從梁冲壓復連奪礮樓一座石卡二座殲賊多人維時天色已晚又因現獲卡下尚有賊番礮卡排列未便輕進應俟籌合機宜再圖進取至臣等前攻昔嶺第五礮所立卡座砲臺相距賊礮甚近雖尚難以仰攻但此數礮俱係必爭之地臣等詳看情形自現立卡座北首額色木林地方斜立卡座可通第三第四兩礮而夾攻賊番之第五礮亦為得力因先令多斫木植派領隊大臣

富興額一面攻戰一面前進立卡共已成木卡八座砲臺二座逼近第三第四兩碉現俱駐兵放砲賊番情急於初一日戌刻有三百餘人潛下擾我尾卡官兵奮勇擊殺兩旁伏兵亦前進策應賊即潰逃奏入

上諭軍機大臣曰金川賊衆乘隙前來侵我所拏卡座而碉卡內之賊仍然用力抵拒看來能戰而又能守實屬可恨必應精加勦滅令將軍等深知彼此天時

漸暖冰消雪化自可竚聽捷音

同日溫福奏言竊查副都統阿爾蘇納等於木果木原佔之山腿向下擎卡已至溝邊賊番惟恐官兵一過深溝即可直上攻撲是以抵死拒守且該處溝深箐密官兵過後仍須仰攻一時亦難得手因思總兵張大經所駐之處在叻噶爾拉了口之正北該處西北有山梁一道名達扎克角在喀爾薩爾果果木之間綿亘數十里其南面隔溝一道

即係薩木喀等處北面即係阿爾蘇納拏卡之溝  
自上至下賊番均築有碉卡若能乘夜從東面山  
頂順壓而下至山梁盡處即與阿爾蘇納拏卡處  
所可以相對不特橫截賊番要隘使不能潛來滋  
擾且兩軍會合亦可併力另籌逕擣喀爾薩爾及  
色爾里之後臣隨派烏什哈達阿爾蘇納等帶兵  
攻獲賊番木城碉卡五處官兵已佔半山去阿爾  
蘇納等前拏卡處隔溝僅三四里查昔嶺賊碉雖

形如筆架排列而山勢亦有迴曲賊番第三第四  
礮又在第五大礮稍後是以官兵每次攻撲第五  
礮時其三四兩礮之賊即來接應臣已令官兵直  
向三四兩礮趕拏木卡逐步進逼現在築得卡子  
八座礮臺二座相機攻取臣謹另繪一圖詳加貼  
說恭呈

御覽奏入

上諭軍機大臣曰閱溫福進到地圖東北兩面俱係官



興營卡聲勢甚大其東南隅即係功噶爾拉了口而  
總兵張大經所駐之處相近了口背後賊碉其頭道  
卡子距了口背後似覺直捷因用硃筆標記其處若  
派習練將領帶兵由彼徑至了口背後定期令李煦  
等仍由前面進攻照應夾擊使賊番兩面受敵力不能  
支必將自潰似乎事半功倍又烏什哈達等攻得木  
城碉卡處據稱現在仍向壓攻其間僅隔賊番兩木  
城及碉卡三座若能迅速克獲即與現有官兵營下

相連亦於其處用硃筆畫道圖記必須上緊攻取此一路若能攻得則官兵漸逼向西局勢更展與額森特現駐之一帶卡柵氣脉絡繹可成犄角之勢自必以東皆成內地其牛天昇二達色兩路所安之卡均可無庸再設即將此路防守各兵減撤併攻昔嶺似更得力但此僅就圖指示其實在形勢若何是否可如此辦理朕亦難於懸定著傳諭溫福即將指記之處悉心斟酌可行與否一面辦理一面奏聞

同日劉秉恬奏言伏查丹壩一路駐防官兵現奉諭旨令五福前往駐守換回董天弼仍在布朗郭宗等處辦事惟查美諾地方亦關緊要五福前在此處頗資彈壓今既調赴丹壩而臣所駐之簇拉角克未免稍遠查原任松茂道查禮本係

奏明承辦降番之員臣留心察看該道雖係文員頗有強幹之氣詢以地方情形亦甚熟諳擬於五福去後即委查禮暫駐美諾接管降番事宜以資經理至

臣所駐之簇拉角克距布朗郭宗不遠自可以就  
近照料奏入

止諭內閣曰原任松茂道查禮因辦曾頭溝糧運經文  
綬奏參革職仍留軍營効力贖罪今劉秉恬奏稱該  
員強幹有為省地情形甚為熟悉洵屬軍營得力之  
員查禮著加恩令其署理松茂道事務仍帶革職留  
任以觀後效

平定兩金川方畧卷五十六

欽定四庫全書

史部  
平定兩金川方略卷五十八

員外郎<sub>臣</sub> 顧宗泰覆勘

總校官原任侍講<sub>臣</sub> 王燕緒

欽定四庫全書

平定兩金川方略卷五十九

閏三月十一日，到永恬營，書據總兵張大經稟稱：初

二日，副都統烏什哈達、同蘇納、同侍衛四員同帶

領官兵一千五百名，駐扎簇拉角克西口，並令總

兵發各卡內挑選兵丁三百名，合攻達扎克角地

方等語。臣查將軍溫福既派兵由簇拉角克西口

取道進攻，自應多備官兵，始足以壯聲勢而資防

禦張大經所設各卡均係緊要業經調兵三百名  
此外似難再撥臣即將簇拉角克防兵挑選二百  
名飭委遊擊保寧管領星夜起程前往相機策應  
據保寧稟稱是日之夜該處現在聽候調用又據  
張大經稟報初三日黎明烏什哈達等領兵前進  
搶獲賊番碉卡數座我兵即在彼修砌石卡木城  
以防賊番抄截等語臣思官兵既獲碉卡數處是  
已有可乘之機當即飛飭保寧帶兵駐札以備就

調遣奏入

上嘉之

同日劉秉恬又奏言

臣

接准董天弼札開據梭磨

土婦卓爾瑪面稟現因患病曾經許願差人赴藏

熬茶懇請賞給路票等語

臣

查三雜谷地方雖不

比明正木坪尾寺附近內地但現在派撥土兵隨

征進勦頗為出力而三雜谷中惟卓爾瑪頗知大

體甚為恭順

臣

聞去年飭調三雜谷土兵時卓爾



瑪首先發兵兩土司始遵從派撥即今年新聞丹  
壩餉道經過該土司地方臣曾諭令出夫幫運亦  
卓爾瑪首先勇躍急公是卓爾瑪在諸土司中寔  
屬誠心向化之人今既懇請給票遣人赴藏酬願  
自應查照向例給票護奏入

上是之

閏三月己卯豐昇額舒常奏言臣等鑄成砲位輪  
流轟擊各放十餘砲忽俱炸裂幸未傷人但屢鑄

屢炸

臣

等實深焦急查看炸裂之處竟有一半黑

似煤渣者寔因銅質不淨內多鉛沙是以不能堅

久若令匠人淘淨再鑄未免時日太遲

臣

等察看

日旁一帶礮卡自上而下順列有十餘座互相聯

絡若仍從其後面分路攻取賊番可以聚集堵禦

不能裂斷其救援之路

臣

等探得日旁山下箐中

東有斜徑可以爬登若從此派兵抄出賊後使各

礮不能聯絡上下夾攻可期得手即於初五日丑

刻分撥官兵一齊進發賊番由碉卡各孔穴內鎗  
砲連施其正路官兵放鎗射箭奮力上攻而由箐  
林前往官兵遠路爬登放鎗擊打賊番儘力堵禦  
鎗石如雨同時正面三路官兵亦俱壓至壕邊奮  
勇攻擊正在攻圍間有賊四五百人從山旁小路  
抄出遙被箐林一路官兵壓下賊番猝不及禦攪  
殺一處被官兵擊傷六七十人帶傷滾落箐中甚  
多而碉卡內之賊見勢甚急惟密施鎗而負險死

守且為衆壕所阻寔難越過查官兵所立之處既無地利而救援之賊又復漸增是以漸次撤回

同日阿桂明亮奏言

臣

等目將鑄成大砲施放以

來常噶爾拉山梁第六礮漸次損壞但黑暗雲霧之際賊仍偷為修補更添木柵石牆

臣

等不勝忿

恨察看情形雖第六礮攻取稍難然若先取此礮即可扼其要害因令札勒桑等分攻納札木正面第一雙礮其納圍正面之第七礮派和隆武裴慎

等進攻並另派漢土兵進攻納園靠末之第八碉  
再從上次攻得之第五碉處分為三路令奎林三  
寶等攻取納園正面之第六碉臣阿桂明亮分頭  
督率初九日子刻陸續前進至丑寅之交雲霧迷  
漫官兵等潛行爬越及至黎明時奎林三寶之兵  
已越過石卡兩處賊番知覺放鎗滾石官兵毫無  
畏避直至大碉內詎賊番守禦倍常碉內既獲以  
石牆木柵又均挖有壕溝橫斜交錯攔截徑路官

兵奮力將木柵砍斷並且推墻填壕碉卡之內約  
有賊二百餘名抵拒甚力鎗石交加官兵因繞至  
西北角卡門直前攻奪賊番窘迫當有百餘人從  
東北前來又有二百餘人由陰坡箐林而上思欲  
乘霧從後衝突我兵看出分隊迎擊而滿州及額  
魯特官兵各用刀箭殺死多人三寶亦親射一賊  
賊番勢不能支踉蹌敗退一半竄入碉內一半由  
坡下箐林逃匿其派攻第八碉官兵正在攻撲間

有紅衣頭人手持矛捍催逼賊衆出礮衝壓官兵  
即放礮山礮將其頭人擊斃而新降小金川番人  
亦頗勇往都司催文傑督領殺賊二十餘名賊仍  
潰散入礮死守查當噶爾拉山梁固為賊人緊要  
門戶而第六七兩礮之後有大山腿一道迤邐而  
下其勢比之噶拉依尤屬金川要隘是以此兩礮  
倍極高堅守禦更為嚴密未免暫急攻克現在大  
砲轟擊過多又經損裂臣等一面趕鑄砲位一面

另籌攻取以期先克此碉迅速前進再聞三月初  
八日有從金川脫出之小金川番人嘉噶爾布木  
一名已經其頭人親屬認明即令在營驅策並錄  
供詞恭呈

御覽

同日豐昇額舒常奏言據分駐宜喜提督馬彪等  
報稱有金川投出之番人噶達爾結一名送至日  
旁之軍營臣親加鞫訊據噶達爾結稱係金川番



民因為每日派撥打仗田地地荒恐將來餓死是  
以投出臣反復究詰似非虛偽且言詞頗覺明白  
尚可以供驅策現在給與口糧留於軍營交叅將  
馬應詔管束均奏入

上諭軍機大臣曰豐昇額等奏進攻日旁又據阿桂等  
奏分攻納圖納札木殺賊各情形此兩路將領弁兵  
俱甚奮勇出力俟攻得險要一併交部議叙其兩路  
官兵內有陣亡及受傷者並著查明照例咨部賞卹

又豐昇額奏新鑄之砲同日忽俱炸裂皆由銅質不  
淨之故已傳諭劉秉恬等妥辦矣軍營所需大砲甚  
為緊要銅觔一到即行趕鑄應用自不肯多延時日  
但大砲期於經久而趕辦銅觔原難必具十分純淨  
若鎔鍊不到屢次時裂不能應手則又莫如略寬其  
期精鍊妥鑄以資永遠利用俗語所謂遲之不擔錯  
也後鑄造砲位應令工匠等細加試驗如實係足色  
淨銅即行入爐成造若其中尚有鉛沙及將裂砲令

鑄者務宜淘鍊及盡再為鎔鑄毋止圖速成不計工  
候又致另鎔爐冶轉多周折稽延再豐昇額奏炮位  
輪流轟擊各放十餘砲即俱炸裂而阿桂亦稱大砲  
因轟擊過多忽而炸裂是砲之屢炸未必非施放太  
急不復察其冷熱得宜所致即於烏鎗連放數次後  
鎗筒即熱亦待稍冷續放方為妥利砲體較鎗之數  
百倍之大熱更久而冷更難若急於裝藥不令消停  
以火力逼之實難保其不燥裂旁出此亦自然之理

各路軍營用砲時皆不可不加審慎再豐昇額另摺  
奏金川投出之番人噶達爾結一名言詞似覺明白  
尚堪驅策等語此則未妥番姓奸詭叵測其外貌明  
白者其心必更狡黠今令隨營効力難信其果專意  
輸誠即云軍營機要非彼所能窺測亦不慮其偵探  
洩漏但此等番人與綽斯甲布土練等原屬同類豈  
能防其不於中盡惑離散人心況留於軍營既不能  
藉其招致他番或軍行進退間輕信其言而誤陳術

中所關不少豐昇額等於軍務閱歷未深尚未能妥貼及此留之無益而有損著即將噶達爾結押解成都交富勒渾嚴加看管其母致疎脫又阿杜摺奏脫出小金川番人嘉噶爾布未供稱聞得索諾木差人問其姊與僧格桑相能與否其人言在小金川時與僧格桑原未同住索諾木就將僧格桑與其妾併頭人七圖安都爾等同送到勒烏溝內克思果木小寨居住等語而此則金川逆酋欲俟將送出僧格桑以

圖解免之計其迹已經顯露若送來時斷不可稍涉  
游移屢次所降諭旨甚明溫福等各應一一遵照妥  
辦至金川小番較之小金川更能打仗寔為可恨不  
特其大頭目當殲戮無遺即小頭人亦皆不可輕赦  
縱或窮蹙來歸不應於小金川降人復令管束番衆  
蓋進剿小金川時其來降頭目畧於加恩者尚欲藉  
為誘引金川番目之用至平定金川其餘諸番自皆  
帖服更為可用其別示招徠而不可令遺孽尚留復

致滋蔓惟各處番人之未為賊人出力者尚可使之  
仍安耕作溫福等皆尚預撥成算以歸妥善至阿桂  
初九日進攻尚遇雪霧彼時未交夏令番地山寒亦  
無足怪今以立夏天氣漸暖冰雪日就消融自更易  
於得手佇聽捷音

上又諭軍機大臣曰鑄砲銅觔關係最為緊要自應預  
備淨銅以資利用即銅色不能一律亦當淘鍊極淨  
再行解往方於造砲有益今豐昇額軍營既成之砲

屢經炸裂皆由內地運送銅觔未純所致承辦之員  
寔難辭咎著傳諭劉秉恬富勒渾確查此項銅觔係  
自何員承辦據寔叅奏現在豐昇額軍營另鑄砲位  
需銅甚急著劉秉恬富勒渾飭屬員以純淨足色銅  
觔迅速解送應用其溫福阿桂兩路並著該督等一  
例辦理毋得稍有貽悞

壬午溫福海蘭察奏言臣等督兵由達札克角下  
攻業已佔地殺賊惟是官兵山梁甚長樹木甚大



烏什哈達阿爾蘇納帶往之兵恐不敷用隨又派兵四百名令已圖魯章京額爾塞邁往接濟自初一日起每日合力攻擊至初六日午刻忽有賊三四百人從林內潛出來截後路烏什哈達等知覺留兵一半仍舊拏卡領兵一半迎戰殺死賊十餘人賊番敗遁自初七日至十一日我兵一進而賊從未絲毫侵擾故得從達札克角山而下佔地四十餘里至海內拏卡之處此數日內臣等率同

富興等一面派兵搜勦一面向前拏卡至十一日  
亦拏卡十餘座與烏什哈達等會合察其形勢我  
兵有三路可進向前直下即至達札克角之西山  
腿向上撲取南山便可抵喀爾薩爾若由溝前進  
可以繞過昔嶺山腿但此數處林木叢密莫辨道  
路須俟砍除得還詳加查看定于何路有益再圖  
進勦

同日溫福又奏言

臣

前派副都統烏什哈達等帶

兵由達札克角山頂合力往下衝壓業經攻得木  
城碉卡佔據地方茲烏什哈達等連日要直下攻  
壓卡迨而逼已佔據四十餘里臣復令官兵由木  
果木山腿過海擎卡往上迎接現於十一日達札  
客角官兵與木果木官兵會合雖達札克角兩腿  
山根溝深箐密坡塢陡峭賊番於此內盤踞死守  
仇我兵聲勢既入聯絡不但自此以內地方番賊  
業已淨盡而向南攻取則喀爾薩爾相距不遠順

溝而下又可繞過西嶺山脚通至巴爾里寨

臣因

烏什哈達等所佔地方既遠卡防分駐更多所餘進剿之兵不能充裕必須審察情形將各處卡兵

量為抽撤方足敷用查從前

臣

移營進剿昔嶺時

由攻噶爾拉了口稍北翻山而行直抵簇拉角克

西口此一帶均係功噶爾拉山梁在在與賊番接

壤約有四十里經

臣

分設卡棚留兵防守至簇

拉角克西之高山即係達孔克角之山頂往北直

接靜海駐兵之松林口地方往東過山下至簇拉  
克角即係督臣劉秉恬現在帶兵駐札之登春地  
方臣察看達札色角山頂形勢緊要是以令張大  
經在彼札營駐兵五百名並分兵設卡直接靜海  
處統計張大經所管各卡防兵共有一千五百名  
令功噶爾拉了口未經攻破所有從了口止至簇  
拉角各兵卡自不可據行撤減而達札克角既  
已從上攻壓而下與木果木彼此接連則自張大

經駐兵之山頂北至靜海各處均在所得地方之  
內此處防兵自應抽撤調赴烏什哈達處以資攻  
剿再督臣劉秉恬聞臣帶兵攻取達札克角山梁  
即派遊擊保寧帶兵二百名前赴張大經處此項  
官兵應即令保寧帶領張大經靜海等原駐一帶  
地方擇地駐紮防範聲援如此前敵打仗之兵不  
致單薄而後路亦得嚴密均奏入

上諭軍機大臣曰溫福等奏進攻道路情形與朕前此

所降之諭旨用硃筆標記處適相符合今官兵兩處  
聯絡直逼西南具東北兩面皆成內地所有原設卡  
兵自應抽併攻勦則官兵聲勢愈大自更易于得力  
至噶爾薩爾一路雖向南進攻相距不遠但其處亦  
係賊薈要隘恐攻取又需時日若進勦色爾里寨既  
可繞過昔嶺且前處虎兒供在色爾里即可用砲平  
打噶拉依是此路更為直捷但進兵之後噶爾薩爾  
及昔嶺兩處之賊或能堵截我後路不可不留心防

範至溝內林深箐密若僅砍樹而行難期定利或乘  
天晴日暖之候用乾柴硝燭縱火焚燒則通通既速  
賊亦必不能伏匿較之兵力勦洗更為事半功倍但  
須順風施行方能有益惟此時正係夏令樹木茂密  
非若各間枯燥者可比大攻是否相宜朕亦難於懸  
定著傳諭詢商溫福令其就該處情形妥協籌酌一  
面辦理一面奏聞

臣等謹按溫福等從昔嶺進攻在事大臣將弁寔



心奮勇而又蒙我

皇上於數千里之外按圖審勢

親御丹寔將拏卡統進情形一一指示明白是以軍營

得所稟承漸過賊酋要隘乃於防範而戡之

旨不能詳加體察寔力稟行以致功廢半途復勞

宵旰仰見

聖訓所垂燭照無遺凡在臣工均當服膺拳拳勿失以

杜意外之虞不可稍存疎略也

同日溫福又奏言查軍營所有四川貴州陝西甘肅各省官兵多從前歲間道陸續調來進剿其最近者亦屆年餘所有腰刀一項各兵隨身佩帶既所必需而攻碉柵之短兵所接之時亦最為得力茲據總督李煦馬全等稟稱各兵既使腰刀打仗殺賊歷時既久間遇開道修柵砍伐樹木又永堅路滑擦跌損傷均所不免現應補辦腰刀共計四千餘把請轉飭川省各標營于庫存軍械內揀選

撥解倘不敷即在成都趕辦以濟急需此項價值  
各兵季餉內扣還等語臣復加察核寔急為添  
補當資明四川督富勒渾現據咨復已經陸續起  
運上緊製辦再弓箭較烏鎗更為迅便茲因軍營  
滿漢官兵原帶之箭將次用完而弓亦日久軟壞  
臣咨明富勒渾於川省各營存貯弓箭內挑取海  
針箭五千枝五力以上弓二百張解送軍營酌分  
應用仍將分給過官兵花名開送軍需局照例辦

理奏入

上諭軍機大臣曰溫福奏軍營箭枝缺乏向富勒渾咨  
取朕思彼處工匠斷不及京城着將武備院收貯之  
箭挑選六千枝派春寧等分起送往並傳諭溫福阿  
桂豐昇額等除將行取成都箭枝賞給兵丁外此項  
由京解往箭於各隊內擇其勇悍能殺賊者酌行給  
與不得濫給以致枉費

同日奉

上諭曰著派御前侍衛副都統春寧乾清門侍衛輔國將軍景燭三等侍衛特成額各帶箭二千枝馳驛分往三路軍營賞給兵丁特成額著往豐昇額軍營春寧往溫福軍營景燭往阿桂軍營春寧等到彼留住一日即速回京以便詢問彼處情形

甲申劉秉恬奏言查屯兵一項與各土司土兵不同緣乾隆十七年土司蒼旺不法經前任總督策楞提督岳鍾琪誅滅將離谷腦乾堡上孟董下孟

董九子寨五處改土歸流移駐副將都司同知等  
兵共設兵八百名彈壓管轄復于番衆內挑選精  
壯三千名作為屯兵額設土守備土千總土把總  
土外委分隸約束平時任其力田傭工年外納獎  
糧六百餘石並不支給錢糧遇有調遣照各土兵  
之例給與月糧坐餉應用器械聽其自行置備亦  
不揀演惟於每年秋間責成副將點驗一次有衰  
弱者裁汰挑補冊呈報督提衙門稽考此即前設

屯兵三千之原委也臣查歷年每遇邊外土司不靖俱係就近派調屯兵堵禦出力較多即此次進剿兩金川於額設三千之外業已多派二百餘名此內陣亡病故者共有一千餘名臣等往來各軍營詢悉屯兵一項最為出力伊等已改土歸流其奉法守分與內地官兵無異而又自知本係番人不敢與官兵埒至衝鋒打仗時其爬山越嶺不讓土兵而又因身係

天朝百姓不屑與土兵為伍均於自効故歷年攻奪  
碉卡得屯兵之力頗多絕不似土兵之見利則趨  
見害則走現在各路軍營俱欲添調屯兵誠以屯  
兵勇往足恃也但該處人戶本屬無多出兵以來  
業已調撥逾額而傷亡亦復不少此時即勉強添  
派亦不過以老弱充數難期得力是以臣於綽斯  
甲布添兵摺內不復奏請再派屯兵查副將軍阿  
桂從前署四川總督時稱將來辦理兩金川所有



屯練三千可望得用係指此項屯兵而言即近日  
賡音素到京奏稱每次進兵土練屯兵甚為得力  
亦謂現在之屯兵也川省因屯兵現居之地名離  
谷腦並距瓦寺不遠故每每言及屯兵與離谷瓦  
寺之兵不能分晰清楚其是三離谷則係梭磨卓  
克柔從克角三土司所屬土兵瓦寺土司亦令有  
土兵與此項屯兵迥不相涉

同日劉秉恬又奏言查美諾一帶地方前經溫福

派兵五百名

臣復遵

旨會同董天弼奏調兵一千名嗣因緯斯甲布一路需

兵

臣

又於美諾防兵內撥出五百名前往丹壩聽

候副將軍豐昇額就近調用美諾計存兵一千名

除

臣

調赴簇拉角克兵四百名並派往小牛廠兵

一百名巡防各處橋卡兵一百餘名押運鉛丸火

藥兵一百餘名外翼止存兵二百餘名至簇拉角

克原存兵一百餘名合之美諾調來四百之數共

五百餘名現在守護各糧臺兵四十名分防山梁  
橋卡兵七十餘名保寧帶往兵二百名亦止存兵  
二百餘名但查當噶爾拉至功噶爾拉中間約計  
百餘里迤北數十里之外小金川寨落頗多向以  
該處雪大山封賊番勢難翻越是以前議安兵設  
卡現今天氣和暖積雪漸消重岡複嶺之中道路  
叢雜保無賊番乘隙潛歸暗來滋擾之事且各寨  
內精壯丁男俱已經派撥兩路軍營打仗所剩係

番婦番童不足以資捍禦雖番民寨落原不能處  
處撥兵護衛但小金川全境業已蕩平稍有疎虞  
即屬不成事體臣隨飭令原任松茂道查禮前赴  
當噶爾拉至功噶爾拉中間一帶地方逐加查勘  
應於何處設兵駐劄臣即於現有兵內酌量分撥雖  
兵力未為充裕俾得彈壓巡盡則亦屬防漸杜  
微之道均奏入

上諭軍機大臣曰劉秉恬奏屯兵原委看來竟為軍營

得力之人各路將軍等自應另加愛惜遇有奮勇者隨時獎慰如實有出衆功績並當奏聞賞錄以示鼓勵又奏當噶爾拉至功噶爾拉一帶撥兵防守事宜美諾雖止存兵二百但各山溝可通金川之路俱已有兵駐守則美諾竟成內地原無藉於多兵或即於此現存二百名內量為撥派應用之處著劉秉恬一面妥協經理一面奏聞

同日劉秉恬又奏言

臣

欽奉

諭旨籌撥征兵其屯兵已不能再調至川省綠營除節  
次調赴軍營並坐塘駐藏等項差使之外存營之  
兵寔屬無多臣已飛行督提兩標中軍並札知署  
督臣富勒渾分飭各營先儘舊兵內勇往者揀派  
五百名即令起程或未能如數即有三四百名亦  
足以資協勦奏入報

聞

乙酉富勒渾奏言查各路軍糧除當噶爾拉木果

木兩處儲備業已充裕其綽斯甲布一路現據永寧道梁肅鴻稟稱三月二月五月以前宜喜日旁兩營並覺木交木池二處共存糧五千五百九十餘石據臬司李世傑稟稱由打箭爐出口之米已轉運一萬餘石又准文綬札稱由雜谷口出口之米二三兩月內經過桃關共計官商各米亦有二萬九千餘石各等語臣因桃關至軍營尚有四十餘石恐口外沿途稍有停悞現委府廳二員分駐

適中之校磨從噶克地方往來催趲趲此天氣晴  
和上緊赴運充裕以利軍行奏入報

聞

同日鄂寶奏言

臣欽奉

諭旨加恩賞給三路隨營打仗兵練一月錢糧並賞給  
看營守卡樵汲各兵一月鹽菜銀兩仰見

皇上軫念戎行恩施優渥伏查覺木交一帶駐防官兵雖  
在後路逐日均有守卡瞭望會哨巡查以及馳逐



文報各項差務與尋常駐守者不同自應仰體  
皇仁一例賞給一月鹽菜銀兩臣隨傳集兵丁宣誦  
諭旨各兵感戴

仁慈歡騰踴躍均已叩頭祇領奏入

上諭軍機大臣曰覺木交一帶駐防官兵自應一體賞  
給鹽菜銀兩而鄂寶奏捐故為婉轉其詞蓋意在援  
照給賞又以諭旨內未經及後路兵丁一項故不敢  
明白直陳此由鄂寶見理未真致捐奏亦遂辭不達

意豈所以仰體朕一視同仁之道且不特此即如劉秉恬所統美諾等處兵丁五福所統丹壩一帶兵丁亦在應賞之例又如打箭爐維州沿邊地方除本處戍守之兵近在汛地毋庸濫及若由別營調到者遠道奉差即當例加優恤總之各兵俱為國家出力其打仗與守巡不同之處已於錢糧鹽菜示有區分而同一執役奉公不當拘泥三路軍營之旨別生歧視著傳諭劉秉恬將各處應賞兵丁即行確查妥辦務

使均沾恩澤

丁亥豐昇額舒常奏言臣等察看日旁山梁一帶  
碉卡周圍皆係石牆木卡復有重壕深塹賊苗藏  
匿於內由孔穴放鎗死守官兵屢次撲至壕邊俱  
因溝壕難越加以橫卡地洞內鎗石緊密未能攻  
克現在大碉以燬其卡下半截亦易傾頽但賊番  
竄匿溝壕鎗砲所不能及必須奪其東北山坡建  
立木柵高築砲臺方能向下轟擊並須設立木架

將大彈擲至溝中使賊番藏身無地方能得手

臣

等先令兵丁砍伐木植多為預備派撥侍衛章京等帶兵六百名於十四日乘夜前往豎柵賊番知覺鎗砲連施官兵奮勇直前即將東北高坡佔據建立木柵賊情窘迫遂由箐林抄出衝襲官兵一半拏卡一半接仗擊殺賊衆甚多具碉卡地窖內賊番鎗砲齊發官兵即將貯土口袋並用本植排列以遮鎗砲至黎明時已成土柵一座與賊番逼

近現派兵三百名嚴密駐守一面趕築砲臺則溝濠內賊番不能隱匿失其所恃之險便可立時攻獲奏入

上嘉之

同日豐昇額舒常又奏言駐守木池副將董果叅將金應安於木池橋頭盤獲米商田濟國並無米石祇馱載銀二千七百餘兩米粟四張當經該副將等將田濟國解赴鄂實處嚴訊臣等恐此或係

奸商欲以銀折米殊與軍糧有碍已行文四川總督俟鄂寶訊明後即便就近辦理奏入

上諭軍機大臣曰軍糧關係緊要屢經嚴飭該督等實力經理並特派大臣董司其事沿路催查務使源源接濟以利軍行至該督招商領運原係佐官運之不足但既官給票張自應令其執為運米憑據田濟國安得持無米之票齎銀遠涉且奸商挾貲赴營料必仍向兵丁買回食米交官充數此大不可各兵支給

口糧均係按日而計俾飽餐勵勇期于攻勦有資非若在京八旗闔支如米得以聽其通融轉售誠使兵皆果腹必不能復有升斗餘存即或官員等給米較多亦係計其跟餘人數俾足供口食並非使之寬裕存積況在官員等更不當以此覓利若使官員兵丁等除日食外果有餘糧則又不如按其例給之數寔食若干支與本色而以餘數兼支折色既有稍省轉饟之勞並可寬為儲蓄以備緩急之用更不應用具

私相貿易致奸商牟利資弊也所有此案奸商因濟國既領票承運而敢不携顆粒賣銀赴營為自私自利之計甚屬可惡事關軍餉非尋常商販因公射利者可比該犯現已解至鄂實處審明屬寔即應在彼正法示衆以昭儆戒至此路業已敗露其餘各路類此者恐亦不免劉秉恬鄂實為督辦軍需大臣富勒渾現署川督各路供給軍糧乃其專責著交劉秉恬等嚴查各路有無似此弊端據寔妥辦仍查此路糧



員因何縱容奸商如此舞弊之處據實叅奏至於各路官兵等如果有私賣餘米之事將軍等不應毫無見聞著傳諭溫福阿桂豐昇額一體留心確查仍與劉秉恬等咨商妥定章程具奏

同日

上諭內閣曰昨因進勦金川曾於湖廣各營調撥官兵所有經過各州縣地方本年應徵錢糧業經降旨按數緩徵以示體恤此外尚有漕項銀款例不並緩小

民仍有赴公輸納之勞著加恩將湖北竹山等二十  
二州縣湖南長沙等二十六州縣本年隨漕等銀准  
其同地丁一併緩徵俾民力益覺寬裕以副朕加惠  
無已之至意該部即遵諭行

臣等謹接川省用兵以來軍行所過一切供應  
官為辦給毫無累及閭閻乃蒙

聖主情殷保赤視民如傷既緩徵湖南北四十八州縣  
地丁錢糧而于例不並緩之漕項銀餉又復展

其常期俾民力益資寬裕在百姓既不知軍行之累而轉得籍以邀逾格之

恩從此含鋪鼓腹益慶恬熙宜乎和氣成祥而祲氛漸減已

平定兩金川方畧卷五十七